



COMUNE DE ROMANA

DELIBERATZIONE DE SU CONSÌGIU COMUNALE N. 4 DE SU 20/01/2021

OGETU: Isorvidura antitzipada de sa cunventzione de segreteria Comunale Otieri-Romana.

S'annu duamìgia bintiunu sa die binti de su mese de Ghennàrgiu a sas oras 16:30, ÀULA DE SU CONSÌGIU, a pustis de avisu de cunvocatzione regulare, chi cuntenit puru s'elencu de sos afares de trattare, notificadu a sos Consigeris in càrriga de su Comune e publicadu in s'Albu Pretòriu de su Comune matessi in sos tèrmines de lege, s'est riunidu in sessione istraordinària pùblica de prima cunvocatzione, su Consìgiu comunale, de su cale a s'apellu resurtant:

SAMBENADU E NÙMENE	PRESENTE
DOT.RA CATTE LUCIA	EMMO
FRASSETTO ANGELA ANDREA	EMMO
MELONI PIETRO	EMMO
ORGOLESU VALENTINA	EMMO
SANNA GIOVANNI ANDREA	EMMO
PISANU DARIO	EMMO
SECHI MASSIMILIANO	EMMO
SERRA DAMIANO	EMMO
SERRA FRANCESCO	EMMO
SOLE VALERIA	EMMO

Presentes n° 10 Ausenti n° 0

Partètzipat su Segretàriu Generale DOT. CARTA GIANCARLO, su cale providit a sa redatzione de su verbale presente.

Essende legale su nùmeru de sos interbènnidos, su Sindigu DOT.RA CATTE LUCIA, in sa calidade sua de Presidente, leat sa presidèntzia e declarat aberta sa setziada pro sa trattatzione de s'ogetu marcadu subra.

SU CONSÌGIU COMUNALE

Premìtidu chi tra sos comunes de Otieri e Romana est in èssere una conventzione pro s'esertitziu in forma assotziada de s'Ufitziu de Segreteria Comunale, s'ischema suo est istadu aprovadu con deliberatzione de sos Consigios Comunales, a manera rispetiva n. 4 de su 03.02.2020 (Otieri) e n. 3 de su 21.01.2020 (Romana);

Bidu s'articulu 5 de sa conventzione tzitada, in cunforma a su cale:

- S'isorvidura antizipada de sa conventzione at a pòdere avènnere in cale si siat momentu, prima de s'iscadèntzia, cunforma a cantu istabilidu in sa conventzione presente;
- Si sa voluntade de isorvidura antizipada est de acordu, ogni Comune adotat sa deliberatzione de consìgiu relativa. Sos comunes ant a dèvere trasmìtere sos provvedimenti adotados a sa Prefetura – Ufitziu territoriale de su Governu de Casteddu – Albu de sos Segretàrios Comunales e Provintziales – Setzione regionale Sardinia, a su nessi 5 dies de traballu in antis de sa data de decurrèntzia de s'isorvidura;

Bida sa tzirculare prot. 7586 de su 03.02.2014, cun sa cale sa Prefetura – Ufitziu territoriale de su Governu de Casteddu, Albu de sos segretàrios comunales e provintziales – Setzione regionale Sardinia e, in particolare su paràgrafu 3, chi cuntenit s'isorvidura antizipada de sas conventziones;

Reconnòschida sa voluntade cumpartzida de sos comunes de Otieri e Romana de protzèdere a s'isorvidura antizipada de sa conventzione de segreteria comunale in èssere tra sos duos entes;

Incrarit sa proposta su Sindigu.

No essende.bi àteros interventos, declarat aberta sa votazione.

Cun votazione de acordu favorèvole de sos presentes,

DELÌBERAT

de approvare s'isorvidura antizipada de sa conventzione de segreteria comunale Otieri-Romana, in cunforma a s'articulu 5 de sa conventzione in antis narada;

de trasmitere a sa Prefetura de Casteddu – prima Setzione Regionale de s'Agenzia Autònoma pro sa Gestione de s'Albu de sos Segretàrios Comunales e Provintziales, còpia cunforme a s'originale de sa deliberatzione de consìgiu presente;

de dare atu chi s'isorvidura de sa conventzione in ogetu:

- At a decurrere dae sa die 01.02.2021 (ùrtima die ùtile de sa conventzione su 31.01.2021);
- est subordinada a sa leada de atu dae parte de su Ministèriu de s'Internu Prefetura de Casteddu prima AGES, pro mèdiu de adozione de provedimetnu apòsitu in òrdine a s'isorvidura de sa conventzione matessi.

Cun votazione separada favorèvole e de acordu de sos presentes,

DELÌBERAt, IN PRUS,

de declarare su provedimentu presente esecutabile a manera immediata, in cunforma a s'art. 134 comma 4 de su d.lgs. n. 267/2000, reconnòschida s'urgèntzia de pònnere in èssere sos ulteriores acumprimentos formales de pònnere in èssere, de competèntzia de sos entes interessados e de sa Prefetura de Casteddu – prima Setzione Regionale de s'Agèntzia Autònoma pro sa Gestione de s'Albu de sos Segretàrios Comunales e Provintziales.

PARRE DE REGULARIDADE TÈCNICA

In cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **20/01/2021** at esprimidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **20/01/2021** at esprimidu parre **FAVORÈVOLE**

Presidente
Sindigu DOT.RA CATTE LUCIA

Segretàriu Generale
DOT. CARTA GIANCARLO

NOTA DE PUBBLICAZIONE N. \fqDatoAlbu:PROGRESSIVU

In cunforma a s'art. 124 de su T.Ù. 267/2000 su Responsabile de sa Pubblicazione **DOT. CARTA GIANCARLO** atestat chi in data 21/01/2021 s'est protzèdidu a sa publicazione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Traduzione de s'operadora de s'isportellu linguìsticu de Romana
Maria Leonarda Correddu

Copia digitale di documento informatico prodotto ai sensi del D.Lgs 82/2005 e rispettive norme collegate